



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 18. Martyres in Gazenses.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

Sæculum IV. rum productæ, vestibus direptis, nudæ
 A. C. 362. insolentis plebeculæ oculis expositæ;
 deinde earum caput radunt, uterum per-
 fodiunt, & injecto hordeo implent, ita
 Virginum corpora in porcorum pabulum
 posita, ut unacum hordeaceis granis ea-
 rum viscera devorarent; quod vero tan-
 tum in Virgines Gentilium furorem ac-
 cenderit, illud fuisse creditur, quod Con-
 L. XI. §. 33. stantinus illius urbis incolis filias suas,
 sicut antea consueverant, prostituere pro-
 hibuisset, cum, Veneris Templo dejecto,
 primam Ecclesiam ædificari iussit.

§. XVIII.

Martyres Gazenses.

Theod. III.
 c. 7. Soz.
 V. c. 9.

Gazæ, & Ascalone in Palæstina simili sæ-
 vitia quorundam Presbyterorum,
 & Virginum corpora dissecta, & immixtis
 hordei granis porcis devoranda projece-
 runt. Gazæ tres fratres Eusebius, Ne-
 stabius, & Zeno insolitæ crudelitatis ex-
 emplo Martyrii coronam assecuti sunt.
 In sua domo, ubi se occuluerant, compre-
 hensi, in carcerem mittuntur, & cædun-
 tur. Populus deinde in Circo congrega-
 tus clamare, homines esse sacrilegos, qui
 ultimorum temporum licentia abusi, san-
 ctæ Religionis ruinam essent moliti! his
 clamoribus accensi animi, conventus in
 seditionem vertitur, ad carcerem decur-
 runt furentes, extrahuntur fratres, & per
 civita-

civitatem jam proni, jam supini raptantur, pavimenti asperitate corpora lacerantur, lapidibus, fustibus, instrumentis omnibus, quæcunque casus, & ira subministrabat, percutiuntur. Matresfamilias, relicto muliebri opere, exilientes, Martyres saltem fuis pungebant. Lixæ forenses, sublatis a foco caldariis ferventem aquam in eos effundebant, aut veribus fodiebant. Tandem in frustra discerptos, elisis capitibus, & cerebro in terram sparsos, extra civitatem in locum, quo carnes morticinæ conferebantur, distrahunt, comburunt, atque ossa eorum cum ossibus camelorum, & asinorum ita commiscent, ut non nisi difficillime internosci potuerint.

Sæculum IV.
A. C. 362.

Cum tribus fratribus captus est juvenis, Nomine Nestor, cum iis etiam carcerem, & verbera perpeffus, is cum per urbem raperetur, insigni vultus specie populum ad commiserationem movit, & extra portas projicitur, adhuc vivus quidem, sed brevi expiraturo similis. A quibusdam sublatus, in domum Zenonis, Martyrum agnati, defertur, ubi inter manus vulnera sua curantium extinguitur. Zeno quoque in proximo periculo fuerat, ut cum suis consanguineis caperetur, & occideretur, sed occasionem nactus, Anthedonem, urbem Episcopalem, inter Gazam, & Ascalonem in ora maritima, viginti

Sæculum IV. ginti stadiis ab urbe Gaza, id est, leuca
 A. C. 362. una distantem. Hæc civitas non minus
 duabus aliis Idolorum cultui erat addi-
 cta, cumque agnovissent, eum esse Chri-
 stianum, virgis crudeliter cæsum, ejece-
 runt. Ergo Majumam se recepit, ibique

Sozom. V. c. 3. Sup. XI. §. 37. occultus permanfit. Erat Majuma urbis
 Gazensis armamentarium, quem locum
 Constantinus a jurisdictione urbis Gazen-
 sis liberaverat, quod esset Christianis Sacris
 deditissima, Gazæ autem Idololatria reg-
 naret, jus etiam civitatis dedit, & novo
 Nomine Constantiam appellavit, nolens,
 ut Gazæ esset subjecta. Econtra Julianus,
 qui erat Apostata, omnibus suis privile-
 giis Majumam privavit, nomine antiquo
 vocari voluit, & sub jugum urbis Gazæ
 redire jussit; quæ subjectio in temporalibus
 locum habuit, in Spiritualibus vero
 urbi Majumensi proprius Episcopus, Cle-
 rus, martyrum festa, Episcoporum suorum
 commemoratio, & distinctæ Diœcesis li-
 mites semper fuere.

Cuidam fæminæ Christianæ, Gazæ in-
 colæ, Cœlitus revelatum est, a se reli-
 quas trium fratrum Eusebii, Nestabii, &
 Zenonis colligendas esse, & tradendas
 alteri Zenoni, cujus vultum, & habita-
 tionem etiam modo prodigioso cognov-
 vit. (*) Ea igitur, non multis post Mar-
 tyrium

(*) Interpres Protestans, qui Parte III. p. 163. pro

tyrium ipforum diebus, noctu Sanctorum Sæculum IV.
A. C. 362.
ossa tulit, & in vase collecta, Zenoni tra-
didit, qui tunc quidem in domo sua ser-
vavit, postquam deinde Imperante Theo-
dosio Episcopus Majumensis electus est,
cum Ossibus Nestoris Confessoris sub Al-
tari Ecclesiæ, quam ipse ædificavit, sepe-
livit. (*) Multi alii Christiani, ut hanc Sozom. V.
c. 9. Soz.
V. c. 15.
persecutionem effugerent, per urbes, &
oppida dispersi sunt, inter quos Sozome-
ni Historici Majores ejusdem Regionis
Gazen-

pro Verbis: *Capite truncari.* Posuit: *Thnen
die Hände abhauen zu lassen.* Et pag. 163. *Ba-
silius Presbyter ordinatus est.* *Basilus wurde
zum Lehramt ordiniret.* Hic pag. 175. a ver-
bis: *Cuidam Fæminæ Christianæ &c.* decem Li-
neas omisit. Nempe Materia de Prodigis, &
Cultu Reliquiarum Interpreti Protestanti fastidium
peperit. Diligentissimum interpretem!

(*) Fleurius, ubicunque invenit facta, ex qui-
bus cultus antiquissimus SS. Reliquiarum contra
Protestantes probatur, fideliter refert. Mirum!
quod Anonymus II. in sua Animadversione IX. di-
cat; Dominum Abbatem Fleurium eodem furo-
re, quo Indulgentias, etiam SS. Reliquias con-
temnere. Quæ ex ipso Fleurio tanquam propo-
sitiones damnatas affert, hæc sunt, latine reddi-
ta: *Quisquis judicio pollet, Et vere amans est
Religionis, non nisi cautissime Miraculis (nempe
ob cultum Reliquiarum patratis) fidem adhi-
bet. Nollem Vadem me præbere, Miraculorum
fingen-*

Sæculum IV. Gazensis fuere. Gazenses, ne hujus Se-
 A. C. 362. ditionis pœnæ ab ipsis expeterentur, me-
 Græg. Naz. tuebant, atque ferebat rumor, Imperato-
 or. 3. p. 91. rem iratum, eos decimari jussurum, sed
 inanis rumor fuit; nam Julianus ne qui-
 dem per epistolam eos, quod simili occa-
 sione facere solebat, objurgatus est; imo,
 Prætorem munere suo exutum, in exi-
 lium misit, satis gratiæ ei fieri existimans,
 quod capitis non damnaret; causa autem
 erat, quia cædis auctores in carcerem mi-
 sisset, ut jus postulabat, puniendos, quam-
 vis etiam magnum Christianorum nume-
 rum in vincula dedisset; quippe dicitur
 auditus est Julianus: *num ideo cælum ruet,
 si Græcorum cohors decem forte Galilæi
 mundum liberaverint?*

§. XIX

*fingendorum causam in quibusdam casibus non
 esse quæstum &c. Et inferius: Ad effectus igno-
 rantia, & inordinatæ credulitatis pertinebat fa-
 cilitas nimia quascunque Reliquias recipiendi. Ne-
 cesse fuisset, in originem, & per quorum omnium
 manus transissent, inquirere accurate. Ego non
 puto cum Anonymo II. Fleurium hic furere, sed
 vera scribere. Ob has, & similes Reflexiones
 Scriptorum prudentissimorum, quibus Fleurium
 accensendus est, haud dubie factum, ut hodie
 nullas Reliquias nisi Episcopi Testimonio munitas
 venerari liceat.*